

JPSM waspada media sosial

KUALA LUMPUR 25 April - Jabatan Perhutanan Semenanjung Malaysia (JPSM) menyahut cabaran kerajaan supaya sentiasa berwaspada dan berhati-hati dalam mengendalikan media sosial semasa bertugas.

Perkara itu dinyatakan oleh Ketua Pengarahnya, Datuk Nor Akhrrudin Mahmud ketika berucap merasmikan Seminar ICT *Social Media and Security Awareness* di Dewan Damar Minyak, JPSM, dekat sini baru-baru ini.

Menurut beliau, seminar itu bertujuan untuk berkongsi maklumat dan memberi kesedaran tentang jenayah siber, kesan media sosial dalam aktiviti harian sert kesedaran dalam aspek keselamatan teknologi maklumat dan komunikasi (ICT).

Jelasnya, seminar tersebut turut memberi panduan kepada peserta mengenai etika, dasar, garis panduan dan amalan terbaik penggunaan internet serta media sosial, langkah perlindungan dan perkongsian maklumat serta cabaran dan kesan media sosial.

"Selaku penjawat awam dan pengguna, kita haruslah membangun selari dengan kemajuan teknologi. Namun begitu, langkah-langkah serta etika penggunaan teknologi juga adalah amat penting untuk dipraktikkan. Ini bagi memastikan teknologi tidak memudaratkan dan pendedahan maklumat tidak sewenang-wenangnya disalahgunakan oleh pihak yang tidak bertanggungjawab.

"Seminar yang dianjurkan ini diharap dapat memberi kesedaran



Seminar yang dianjurkan ini diharap dapat memberi kesedaran dan panduan kepada semua peserta tentang kepentingan perlindungan data serta etika penggunaan media sosial dan aplikasi ICT yang lain."

NOR AKHIRRUDIN MAHMUD
Ketua Pengarah JPSM

dan panduan kepada semua peserta tentang kepentingan perlindungan data serta etika penggunaan media sosial dan aplikasi ICT yang lain," katanya.

Empat penceramah turut berkongsi pandangan dan maklumat terkini dalam isu berkaitan.

Mereka adalah Dr. Ashara Banu Mohamed dari Institut Tabiran Awam Negara (Intan) dengan pembentangan kertas kerjanya bertajuk 'Pengenalan Kepada Media Sosial: Cabaran Baru dan Amalan Terbaik Penggunaan Media Sosial'.

Penceramah lain, Asisten Superintenden Nor Rejalinawati Kamaludin (Polis Diraja Malaysia - PDRM); Edwan Mohammad Aidid (CyberSecurity Malaysia) dan penganalisis jenayah terkemuka negara, Kamal Affandi Hashim.

Salah seorang peserta seminar, Toh An Nee dari Institut Penyelidi-

kan Perhutanan Malaysia (FRIM) berkata, selaku penjawat awam mereka sewajarnya diberi pendedahan dan cara yang betul dalam pengurusan media sosial seperti facebook dan e-mel di institusi masing-masing.

Seorang lagi peserta, Beatrix Sim Wuan Hung dari Jabatan Perlindungan Hidupan Liar dan Taman Negara (Perhilitan) memberitahu, sebagai penjawat awam yang diamanahkan untuk mengurus dan mentadbir maklumat rasmi, seminar itu membuka peluang baginya memahami tanggungjawab dan kepentingan menjaga keselamatan terutamanya maklumat rasmi kerajaan.

"Kita sepatutnya tahu sempadan berurusan dengan media sosial supaya tidak menyebarkan maklumat palsu di mana kita boleh didakwa di mahkamah jika melanggar etika," jelasnya.

Seorang lagi peserta, Rasnidayu Mat Rosid dari Kementerian Sumber Asli dan Alam Sekitar berkata, seminar tersebut memberikan kesan yang positif dalam kehidupan seharian dan akan lebih berhati-hati dalam menggunakan media sosial.

Seramai 350 orang menyertai seminar itu terdiri daripada pelbagai agensi kerajaan seperti Jabatan Pengairan dan Saliran (JPS); Institut Penyelidikan Hidraulik Kebangsaan Malaysia (NAHRIM); Jabatan Alam Sekitar (JAS); Perhilitan; Jabatan Ukur dan Pemetaan Malaysia (Jupem), FRIM dan Jabatan Perhutanan negeri-negeri.



NOR AKHIRRUDIN MAHMUD (kanan) melawat gerai pameran sempena Seminar *Social Media and Security Awareness* yang berlangsung di Dewan Damar Minyak, Jabatan Perhutanan Semenanjung Malaysia, Kuala Lumpur, baru-baru ini.